

歐

北

集

甌北集卷三十七

甲寅乙卯

陽湖 趙翼 雲崧

揚州觀劇

又入揚州夢一場紅燈綠酒奏霓裳
經年不聽游仙曲重爲雲英一斷腸

回數歡場歲幾更梨園今昔也關情
秋娘老去容顏減猶仗聲名壓後生

故事何須出史編無稽小說易喧闐
武松打虎崑崙犬直與關張一樣傳

今古茫茫貉一邱恩讐事已隔千秋
不知於我千何事聽到傷心也淚流

題竹初爲袁趙兩家息詞後

余戲述子才游蕩之跡作呈詞
蓋於已拙存太守子才亦有訴

詞太守不能斷竹
初以息詞了此案

一重公案起無因太守筵前訟牒陳不設青紗圍自解
累君來作謝夫人

各挾雌黃訴到官閹羅包老也顛預竹蕉兩造皆情熟
欲判輪贏下筆難

調語褒譏總白癡客嘲賓戲戰交綏兩家旗鼓今無用
同看營門射戟枝

賀蓉溪湯翁得元孫之喜

弧矢懸門映日華洗兒佳話儘堪誇簪纓世族知多少
眼見元孫有幾家

對鏡何須鑷白工桐孫枝又發孫桐太翁作已非容易
況作人間太太翁

焦山江上爲張世傑與元阿珠

元史名阿木

董文炳血戰

處事見宋元二史從未有咏之者舟行過此補

弔以詩

江上峯浮一螺碧啼鳥落花僧寺僻豈知曾閱古烽烟
往往山根見折戟白鷁

船名

雄排水寨開戎旃萬舸截江

來箭風礮火吼水立蛟鼉駭走不敢迴可憐殺氣乘潮
漲南北戈船互衝盪一貪佐命立奇勲一誓捐軀保危
障功臣忠臣共戰場運異興衰氣同壯終然浩劫入滄
桑縱有赤心天不諒烟燄橫空齒蔽江十萬健兒魚腹

羣我來斜渡一帆風往日兵氛久洗空間把陳編撫遺
事江山如舊哭英雄山前一片飛濤洶想見當年戰血
紅

謝未堂司寇八十壽詩

卿月歸來宿望懸弧南星正朗中天科名朝右稀同輩
花月江南有散仙映座容顏猶少日公面有少容陶情絲竹自
中年稱觥盛事誰能及雙戟高門八秩筵

到揚州追悼西巖前輩

蠟屐重經廿四橋黃爐回首頻覓銷前遊未久方期續
老輩無多忍便凋歌袴有思民祭社傳經無恨子登朝
半年遲作生芻弔來補橋元酒一澆

周北張南似比鄰。拈題賡和擘箋頻。江湖歡會幾忘老。
風雨高歌覺有神。耿耿孤燈書館夜。萋萋宿草墓門春。
十年來往揚州路。哭到先生第五人。

金棕亭白秋齋吳涵齋唐再可已先下世

壽麗川中丞五十

祝嘏歡聲萬戶同。瑤籌增報海天東。人欣開府頭還黑。
春爲催梅萼已紅。長養和平閭井晏。總持風雅玷壇崇。
從知福履舒長甚。半百年華日正中。

送李拙存郡守移守皖江

襦袴中吳澤久涵。郵亭此日送征驂。來傳仙李從天上。
去有甘棠憶召南。行轍已難留郭伋。離筵忍復唱何戡。
皖山奪我陽春脚。佳氣先看滿翠嵐。

乙卯元日

爆竹聲中早起處望空遙拜九重天歸田身久東臯隱
祝國心猶北闕懸三白臘寒畱舊雪五雲曉霽慶非烟
國家大福吾私福身閱乾隆六十年

寄壽子才八十

跋扈詞場一代雄白鬢如雪氣如虹儒仙句曲陶宏景
詩叟山陰陸放翁地占六朝金粉後名高九老畫圖中
錯疑天寵才人極福壽都教付此翁

早拋袍笏罷登場換得林居歲月長到老未除才子氣

多情猶昵美人香

門下多女弟子

詩篇海內知名姓科第人間少

輩行得不降心投地拜此生幾見魯靈光

一燈

出身早脫子衿青堪笑丹鉛尚不停頭白一燈孤館裏

廿三部史十三經

欽頒舊五代史刊行故有二十三史

徐殿颺湯緯堂兩明府皆余同鄉舊識也一死金

川之難一死臺灣之難已邀恤廕今兩家子弟

又送栗主入忠義祠郡邑有司及鄉之搢紳咸

來襄事哀榮兼備二君爲不死矣詩以紀之

表忠祠廟掃榛菅栗主新增配食班曾記招魂荒徼外

竟不分席古人間

祠本祀宋末守城殉難諸公

榮名已自垂方策朽骨何

須返故山各有承家賢子弟靈旗應慰夜深還

天河

誰把虛空界畫粗生將別恨坐黃姑青天爲紙山爲筆
倒寫長江萬里圖

朔風甚急萬鴉集於枯木皆向風而立無一錯互
者乃知其向風則羽毛轉順也向聞魚亦多逆
水而游同是一理

寒鴉枯木緊蕭騷觸目都增見地高鳥立向風魚逆水
物生各自愛鱗毛

戲書誇官者

壓斷東陽瘦沈腰萬釘寶帶費金銷爾官於我干何事
倘若無人意氣驕

觀音閣碑

堪笑簪車致祝情望奢那計一蹄輕百金捐造觀音閣
便欲碑刊萬古名

魴魴

河魴有毒魴魚刺至美中偏不美存夜夢忽然來報喜
魴魚骨變作河魴

紅橋

來往紅橋跡尙頻朋簪連袂踏香塵花明柳暗春三月

白髮蒼顏友五人

味堂松坪既堂春農
及余皆鬚髮皓白

吟社肯辭詩韵險香厨

各門食單新却因聽到山陽笛存歿關心又愴神

傷西巖
諸公之

也歿

宦囊

解綬歸來卜築忙老夫曾此賀華堂看他營造看他賣
何事人猶羨宦囊

夜泛

清游趁良夜風露捲吟身天遠似連地月高偏傍人塵
氛一以淨詩境此焉真何處漁歌起寥寥古渡濱

齋前寶珠山茶一樹數百年物也萬花艷發其光

絳天邀北溪謙齋蓉湖立菴瑩溪曉東緘齋諸
人賞之賦詩以紀

季倫珊瑚高七尺賈胡貴銜紅刺石天公憐我蕭齋陋
賜以寶珠滿院赤山茶難得十瓣妍况復老榦數百年
吾家獨擅此奇古其根拔地枝摩天胚胎含英隔年結

蘭栗春來始綻裂大瓣外張六出奇細瓣中噴
腔熱不知何物染得成世間無此猩猩血東風一吹千萬朵
高下都開笑口歌熊熊日午光絳天嚇得鄰家來救火
火齊木難枉擅名以名嘉樹乃真可此時安得無杯盤
爰邀素心來盡歡家貧不能列歌舞借此聊作紅粧看
便如張鑑畫堂宴妖姿十隊胭脂丹又如三千殿脚女
錦衣袿服明江干尊前忽然大富貴景象一洗儒生酸
斜陽過墻日將夕花光流艷照座客樹老花愈紅人老
頭愈白白頭映紅花頓覺老態失未醉已覺朱顏酡大
得此花增氣色

偶題

施嬙環燕總嬌姿幸不同時各擅奇若使同時相比較
就中又自有妍媸

插架

插架圖書手一編蕭齋晏坐意超然白尋呼吸驚人句
不美腥羶使鬼錢務觀醉醒文字裏堯夫生死太平年
似聞天上多官府又怕飛昇去作仙

題北溪謙齋蓉湖三壽圖

潞公曾有言獨壽苦無奈故交零落盡所遇少年輩捧
杖纔接談避席輒思退所以洛社開廣結老人會盍簪
非一姓佳話已炙膾何哉一門中乃有三耆艾吾鄉北
郭劉名行著當代傳經守家學出仕稟官誠北溪判隨

州事簡參佐解不肯傳舍視辛勤績報最政成賦遂初
腰脚尙健在謙齋早摘科蜚聲鳳羽翬作令歷闡粵所
至有遺愛歸老尙苦吟詞壇樹旆旆蓉湖擅經藝設教
先在沛旋宰駱越鄉兵後撫凋瘵官罷貧不支盤餐仍
咬菜懿茲好兄弟鐫脚洵相配幼已讓棗梨老猶共鋤
耒人總一堂上年皆七旬外新詩擘紙廣先訓書紳佩
無煩出門交自有聯牀快寫照者誰子濡毫得其概林
下三白頭善氣迎人藹巾屨各飄蕭松石互映帶一幅
列仙儒脩然脫塵藪遠比三茅君游戲良常界近追壽
愷堂堦簾耄猶對笑彼耆英枉勞徵冠蓋娛老求友
聲豈如家庭內花萼久更榮桑榆晚未晚衣冠真盛事

千載此寶繪

暮景

天教暮景尙飛騰一兩芒鞋七尺藤里有老朋堪結社
山無游伴且尋僧詩成枕上展揮翰花滿欄前夜點燈
此是晚年消受處向來流蕩愧何曾

已無一事可垂芳稍稍家規自立防食儉祇憑三韭菜
養衰敢望獨參湯詩篇久斷吟紅句鬚髯羞爲拔白方
七十日傳原古訓早將生計付兒郎

范菽亭孝廉得二扇面一爲倪元璐畫石一爲張
煌言自書江上聞笛詩合裝成卷索題叙書於
後

巡遠睢陽哀張陸厓門厄皆因同死事連傳在史策此
卷兩忠臣先後廿年隔一攀鼎湖髯一銜精衛石死固
非預訂生并或未識手筆乃各傳無端作合璧四明范
我亭夙有嗜古癖書畫廣購藏兩筵快新獲嘆其義烈
同聯之幅盈尺我閱倪公畫片石寫寒瘠想見骨力堅
卓立千仞壁我讀張公詩聞笛秋江夕和以激楚音直
迸烟竹裂二公染翰時豈意共素冊遺墨一朝聚相映
光愈赫遂覺橫卷中淋漓滿紙熱石無巨鼇數笛有老
蛟泣當年滄桑痛耿耿尙如結雨氣化一虹雙血凝一
碧自非搜剔勤曷萃此名蹟殉節前賢事表忠後人責
縑素垂千秋應可慰毅魄

題周山茨觀察老圃秋容圖

冷艷離離入焦墨不寫春華寫秋色風光偏稱白髭鬚
是我故人幾不識公昔登科最少年吹簫子晉緱山仙
明光奏賦不起草搖筆壓殺才人千遂乘露輶按五管
清風瘴掃蒼梧烟我從詞垣早師事出守又爲公屬吏
鎖院秋燈酒共傾辛酉
校閱粵江夜雨舟同繫已丑自
隨公至桂林彈指
俄驚三十春雪鴻往跡不堪論公曾出塞悲流徙我亦
歸田作隱淪此時尙說香晚節三尺兒童也笑絕豈知
人各有秋容何必升沉共一轍君不見陶家籬韓相圃
一在岩廊一環堵後先兩個菊主人一樣清芬占千古
公今才望隘九州書法況埒虞褚歐煌煌碑版照四裔

宦雖未達名長留此正暮年着力處不徒占盡老風流
只憐同作揚州客幕府沉沉幾重隔何當攜手菊花天
醉倒落英紛滿席

公方客饒使幕中

時交夏至久晴難以翻犁地方有司方斷屠祈雨
忽甘霖連至喜而有作

好雨如償券平疇待插禾世無郇伯久天怕杞人多早
聽驅秧馬寧嫌長麥蛾

麥田生蛾

先生輟耕慣亦且試青簑

松坪招同葉生栢秀才高詠樓看荷花五首

老去心情愛物華肯同新婦閉帷車蹣跚行脚麻茶眼
同向湖隄去看花

少日疎狂作冶遊那堪還占老風流惹他十里珠簾捲

多少紅妝笑白頭

延緣一棹過紅橋早有荷香陣陣飄解事癡郎不煩囑
但花多處便停橈

山是堆成水挖開憑空幻出好樓臺老夫五十年前到

曾見平山本色來

余已已過揚州惟平山堂及法海寺餘皆斷斷未
燕而已今湖山樓閣則皆庚午後開闢構造者也

高詠樓前飲碧筒凭欄千朶絢晴空蓮花本是君家面
還與先生發醉紅

送武進邑侯湯春叔

衝劇端資令宰賢花封借寇忽三年最難巧婦常無米

偏矢文臣不愛錢告訐無人投鐵匭

君在任民間無
掛望送金事

平反有

母問蒲鞭

美公嘗
發露

不知武進民何福頻遭官清得屢眠

剪
經

山亦以
清節著

但聽攀轅嘆息同聲從輿論自然公來時欲庇千間厦
去日惟餘兩袖風楊柳離情隄宛轉黍苗餘澤野青葱
還期麾蓋重來日慰此迎途竹馬童

題蔣子野秀才一莊水竹數房書圖

三分水二分竹昔人擬構一分屋有屋倘無書有書倘
不讀水雖清亦濁竹雖幽亦俗何哉蔣徑兼此三乃猶
以書腹笥蓄逸必訪酉陽秘不讓天祿王家巾箱鄴侯
架卷之於懷不盈掬有時鎔鑄出偉詞一掃不顧千甌
禿是卽馬磨棲蝸廬宿已養人間杜韋曲何況門對一
泓澄牕映千竿綠我欲從君一甌借畫圖早識門徑熟

所謂伊人宛在水何可一日無此竹

答蔣蔣山秀才

歷數名場幾作家後生中有此才華白頭老嫗看新婦
恨不親爲插髻花

爭名

文士相輕古有之詞場壁壘各堅持集偷沈約嗾爲賊
經授遵明不奉師村女插花偏自好醜人詎鏡果何私
千秋自有無窮眼豈用爭名在一時

贈當筵索詩者

盈盈十五出堂時妙轉歌喉勸客卮也是人間生活計
老夫和淚寫胭脂

題楊斐園研堂長卷

平泉醒酒石忽落他人手壺中小九華瞥眼不復有一
卷之多難世守石不能言乃能走何哉楊氏清白貽獨
以一硯當鼎彝令子護持築精舍名流粹賞摘妍詞五
世其昌果奮跡道是石田田不石濡毫鶴眼掃犀眉兄
也撥科弟通籍魏徵牙笏王祥刀遺澤肅後多賢豪况
茲文房之珍逾拱壁載得家學傳風騷香霧黯疑文養
豹黑雲滃起詞騰蛟會與紗縠巷中魚膺碧坡賴二老
名同高

側聞

側聞蠻徼暫軍興籌筆何當効薄能曳足尙思觀鼓噪

綃頭已自怯車徵掣韉漫擬饑鷹起伏慳難爲老驥騰
顧影夜深私自嘆征南刀久血痕凝

入冬日飲牛乳一升以代粥戲成絕句

曾傳著粥養衰翁服食還輸乳汁功白髮人爲黃口哺
老夫奇訣已還童

清晨飲我乳花香省得張君子婦忙笑問妳婆何姓氏
遙遙華門出奇章

訛寢蕭閒顧影驕愧無錦薦護寒宵柵欄爲築新牢就
也算莊嚴貯阿嬌

服匿盛來日一甌瓊漿滿引潤枯喉卽看下咽如脂滑
不用周官更祝鳩

縱無燥濕効微勤乳哺功深自策勲合請戴嵩爲寫照
丹青貌出野王君

久食功堪奏養和羶羶氣亦染身多老饕自愛醲醲味
任把臊胡喚達磨

昔人曾飽穀於菟何似芻牢給所需老健定堪牛鬥虎
看余嬰鑠執戈驅

書生貧易德壺飧飲酪先誇至味存何限世間豪貴客
還將人乳去蒸豚

張松坪輓詩

宦跡曾兼館閣清遂初早賦見閒情生來獨占中秋月

君以中秋夕生

老去猶高第五名

君

與我清談交最久畏君白戰

句先成何期高詠樓前宴

事

遽作黃鑪感隔生

徵歌白雪醉紅霞
觴詠相隨十載賒
天上神仙原富貴
江南花月最繁華
歡場絲管春如昨
暮景桑榆日易斜
他日橋元墓前過
不知腹痛幾回車

芸浦中丞昔守吾常
今來撫三吳枉駕過
存修及門禮榮及老夫
多矣長句賦贈

畫舸油幢喧水驛
長官負弩吏執戟
蒲城士女動歡聲
來逐中丞新使節
中丞昔日守常州
召伯棠陰處處留
廿年再到頭還黑
五馬今看換八騶
特達

主知三錫命總因
敎歷丰裁正露輞
行流春雨膏星符
下肅秋霜令三移
晉旆兩滇藩操履
無疵風力定遂膺

管鉞莅江天黃霸重來過潁川
驂條兒童俱北齒攀轅
父老尙華顙此是宦游得意事
去思碑在白來看開府
官高量逾擴胸納全吳已綽綽
風氣今殊舊見聞挽回
特布新條約仁心清節馳先聲
早識羣黎得所托野老
幽居少送迎感公高誼枉千旌
榮光照到桑榆暖暮景
飛騰倍有情寒家衣食計粗足
敢向陸莊問荒熟公今
手撫百萬民江北江南盡待育
但期廣廈千萬間徧覆
窮櫬安且煥腐儒已在燾
庶中安樂窩成眠坦腹便如
鄉置鄭康成不用肝分閔仲叔

送豫堂學使還朝

雙旌北上謁鑾坡江左人才盡網羅

帝重鑒衡畱任久

親學兄
兩任

士經指授發名多金門對策三

千牘玉署論資十六科秘殿從容看畫接沙隄岸看曉

鳴珂

雁行兄弟記當年瞥眼分飛忽各天一出虞翻長去國

此行景倩若登仙趨朝曉日鈞陳仗把釣秋風笠澤船

別後相從更何日吳雲燕樹兩茫然

劉雲房少宗伯視學江南話舊賦贈

纔從棘院奏賢書簿節衡文又特除

典江南鄉試即
拜觀學之命

人仰韓

門如北斗

帝教吳會得南車三江波淨心同澈八座班高髯未疎

看取人才入陶鑄後生都勉帶經鉞

清切班常侍 禁廷旌麾今喜過郵亭天涯舊雨爲今
雨江左文星卽使星倦客丹鉛頭已白故人車笠眼猶
青追思三十年前事鎖院深談酒半醒

記壬午同
校京闕事

自笑

一甌著荆涕沾鬢背膝茅簷手擁爐試問古來麟閣上
畫圖可有此形模

恭讀邸抄九月三日

皇上冊立

皇太子以明年丙辰元旦舉行歸政大禮紀元嘉慶

普錫天下地丁正賦又全免漕糧

大慶洪施曠古未有懽忭莫罄恭紀以詩

十行丹詔普祥暉

特簡

元良授萬幾付托得人天下慶康強傳位古來稀
九霄玉宇尊無尚萬里金湯統有歸禪代自行熙自緝
精勤猶未釋宵衣

治定功成六十年又將精一付心傳笑他高孝非
親子并覺勲華少象賢盛事更無前例比隆儀先
勅尙方編織毫那復畱微缺信有天庥與

十全

御製十全
老人說

玉殿笙璫廣樂陳升階大禮集初真宮中

後聖承

前聖仗下新臣卽舊臣令節青陽春左个初陽紅旭日

重輪 熙朝事事皆佳話兩度元年兩丙辰

禮成禪授湛恩覃比戶歡聲遍剡南田盡賜租何
論半漕皆蠲粟俾餘三華顛拜爵多朝紱白粲停
春少市鉗

慶是非常恩過分儘畱史冊作雄談

聖謨傳子寓傳賢家法真開萬代先早識垂裳能協

帝非闢脫屣爲求仙

鴻名已却羣臣表

預勅臣工不
得上 崇號

鳳紀仍增大內年

宮內仍以
乾隆紀年

一一

睿裁皆創典大安德壽敢同編

衮龍袍袖領朝元宮府依然統一尊却代

上皇禪

上帝幾稱

天子作天孫

郊廣大神祠
嗣皇帝親得

扈遊繡甸娛韶景問寢彤墀候

曉嗽還待升中登岱日親扶玉輦到雲門

信有洪庥備聖朝紹庭典已百王超謳歌有屬

因傳啟美善兼全爲紹堯羅郭金甌完四塞泰階

玉燭朗三霄從知創闢靈長運億萬斯年繼序遙

射策曾叨占大科巢痕歷歷記鑾坡喜聞

絳殿傳瑤璽猶想花磚步玉珂聖

闕尙懸心舊赤戒途已怯髡新幡衰殘及

離照

合譜光華復旦歌

曉起

街柝聲殘夢乍回
一星宿火隱爐灰
曉寒正戀重衾臥
却被詩成催起來

國朝集卷三十一

魏北集

卷三十一

共

臨江集卷三十八

丙辰

陽湖 趙翼 雲松

嘉慶元年元旦試筆

履端晨正雨如膏
椒酒今年興倍豪

龍詒欣傳

新黼座羔純仍有舊
宮袍推排遂作

三朝老著述將成一尺高
嘉慶元年年七十後人應羨此

翁遭

芸浦中丞邀我鄧尉看梅夢
樓芷堂先在蘇相待
遂同游連日并偕蔣子野秀才

廿年此願今纔果
爲有佳招發興新
行樂也憑賢地主

腐儒何事不因人

燈節前頭雪壓枝梅花今歲較開遲花神大似畱相待
二月初來正及時

點役發夫曉鼓催幾同嚮道看山來惹他村嫗從旁笑
不是官梅是野梅

老幹空山格自高難將勢位屈孤標我來只帶諸名士
壓得梅花不敢驕

漫將孤寂結相知豈識瑤林四照奇笑煞老逋真小見
賞心只在兩三枝

園丁種樹豈因花爲賣酸漿冰去聲齒牙翻與山村添韻

事錯疑比戶總詩家

想見名卿氣力雄
要畱爪跡雪泥鴻
黃金買得春山闊

死葬梅花萬樹中

山有徐健菴墓

料理舟車縱客歡
官齋獨對一燈寒
中丞枉作梨花主

只讓人看不自看

中丞以事不得同遊

恐爲清游攬景光
累人連日費供張
一帆歸向山塘過

自買名花種草堂

虎邱買牡丹四盆海棠一株

戲題靈巖山館

早秋帆制府別業

靈巖千古屬西施
亭館何人鑿翠爲
要與美人爭勝蹟

秋帆此處是男兒

手種梅花已丈餘
相需殷每遇偏疎
園林間煞公忙煞

曳足壺頭正羽書

湖南征苗公方督辦軍需

愛山我乏買山貲公有青山只夢思何不把山來贈我
省他猿鶴盼歸期

閱近人詩稿戲題

名士求名氣力殫到頭不出百年間那知世有神通大
臥作長河立作山

七十自述

不覺駸駸歲月征觀河童耄暗中更生當

盛世身何幸老作詩人業已輕學問就衰那復進功
名非福不能成祇應飽吃殘年飯扶杖田間咏太
平

青髻歸來到鬢絲塵緣幻妄漸消磨世無拘束容

聲與境有繁華付夢婆識字讀書千載上食租衣
稅廿年多較量自古書生命盡粥燃糠不啻過

童年回憶舊艱辛天下無如我最貧孤露更誰舟
贈麥饑寒長自甑生塵墮瓜亭是傷心地踏菜園
悲薄命身最是饑驅北行日離懷痛絕倚闌人

長安索米恨何依年少江南一布衣入洛陸機詞

賦滿游秦張祿姓名非

京闈以顧
姓應試

壯心有劍雞催舞

浪跡無枝鵲亂飛贏得虛聲供嚇鼠廿三經義一

時揮

以五經
猶解

東華初步軟塵紅移直樞曹地望崇五夜趨朝雞
唱月九秋出塞馬嘶風沉沉鎖院聽鈴索漠漠周

陸挽角弓六載徽勞差自慰西師及見告成功中補

書人直軍機前後凡六年時方用兵西陲

歷歷巢痕記憶真一時風氣一時人曾因倭直深

嚴地及事常朝老大臣門館無私心似水衣冠有

慶物皆春只今回首平津閣慚愧曾充座上賓謂傳

文忠注文端公

寸寸鮎魚上竹竿生平一第最艱難不周山下頭

曾觸無定河邊骨欲寒辛苦醫家三折臂渺茫仙

路九還丹誰知禿盡中書筆方得詞人本分官會試

凡六度始試

一桂枝高手已攀臚傳聲裏另排班雖非五色蓬

萊頂猶占三茅句曲山千步御街中道出一條軟
繡九衢還人生此福難消受老去追思轉汗顏
頭銜已失冠山菴猶系西清供奉勞

盛世文章臺閣貴清班官職鳳麟高奎堂校士春蠶
葉官燭修書秋兔毫斗食敢嫌饑曼倩書生榮遇

是詞曹

三度分枝京闕一葉武鄉
試修書方略館丹閣年

單車迢遞赴邊城出守方嘗外吏輕正欲拊循爲
父母豈知仇直忤公卿水中見蜃猶生怒杯底逢
蛇得不驚猶仗

御屏題筆在

在京蒙恩
記名凡三

彈章未敢斥歸耕

出守鎮安以交
南事淺被劾

滇徼從軍掃劫塵

奉命赴滇
從軍征緬

千層瘴嶺踏嶙峋山深

應有藐姑射路險且隨生女真

時與索倫兵同行

千檄淋漓

常脫腕一刀磨洗不離身沙場戰死男兒事多愧
今猶作幸人

歸途重入粵西天父老紛迎拜馬前共喜未爲兵
死鬼自慚不作肉飛仙山川劫外無虛警雞犬村
中有晏眠笑語士民釘未拔可應戶出拔釘錢

萬山深處喜民和不用刑威但撫摩地遠中原游
客少天連南極老人多雞豚晚社爭扶醉士女春
墟解唱歌辜負此邦興誦好禁轅千里送關河

移守

廣州數月鎮安民陳簡等不
遠四千里送萬民衣襪至署

量移東粵理繁艱首郡叨虛領袖班謬忝作兄諸

弟上頗難爲婦爾姑問沉沉曉鼓應官去落落春

旗按部還一事差償壯游志羅浮頂看海迴瀾

翻事作羅

浮之源

露輞星旌到夜郎漏天滂雨暑天霜人來青瑣原

仙吏地入烏蠻是鬼方

黔東爲羅施鬼國
黔西爲羅殿鬼國

臣子敢論官美

惡

君王自重治循良只因慈母常歸宇望斷吳雲萬里長

三政歸裝一擔輕白華養母仗躬耕豈期空谷歸

种放猶荷

深宮問賈生

歸田後家
恩垂諭者再

仕宦還鄉修孝弟文章報國頌昇

平只餘六載循陔處稍慰烏私一片情

負土營成馬鬣堆祥琴彈罷選期催路旁有鬼看
先笑命裏無官病忽來臂疾竟成將朽木肘方難
起不燃灰中流返棹何勝感風到神山輒引迴京

補官兩月頗思風
痺自臺兒莊回舟

藥餌多年病漸消回看同輩盡旌旄胸中五嶽平
猶起頭上千薪積已高老態豈堪還舞袖交情難
受是綈袍濟時功業原須早搔首徒深感二毛

買得湖千築草堂疎籬曲檻水中央誇張有絹千
頭橘防備無衣百本桑寒士藜藿原易足少年糠
覈已粗償無端失計移城市貪慕東坡住顧塘

舊寓松塘橋遺址向

存余居與之鄰近

里居何物可消閒。依舊書生靜掩關。尚有眼光牛背上，不消髀肉馬蹄間。半篝殘火聽譙鼓，一縷香裊博山訂罷史編翻。自笑千卿甚事苦增刪。咳餘

叢考

忽入繁華夢一場。頻年踪跡落維揚。豈應垂老冬烘客，來聽清歌夜度娘。高館論文移座滿，疎燈看奕引杯長。後人倘葺平山誌，莫便疑爲杜牧狂。楊州

手案定

蕭席

烽火遙傳海上洲。故人邀我作闔遊。也因國事來焦額，豈必邊功自出頭。人命死生三寸筆，軍儲贏縮五更籌。誰知大戟長槍裏，薄有書生一得謀。臺

用兵佐閩督李
欽齋幕府一年

重到揚州設絳幘論文又作數年淹蠅頭細字宵
燃燭塵尾清談畫下簾小住本同吳市乞久留恐
被楚人鉤故鄉自有佳風月留待詩人甲乙籤

游跡生平萬里賒老猶登覽愛雄誇出無定向由
諸僕山各殊形不一家千里遠探廬阜瀑半空高
歸幔亭霞所慚題筆無佳句剩與村姑唱采茶追記

國虞武
夷之遊

流光難挽魯陽戈漸欲經營安樂窩與我偕行惟
竹丈非人不暖有湯婆詩傳誰復將絲繡身老何
堪與墨磨回首壯年豪俠處曾衝鼻息拂星河

已是禪堂退院師。曼卿意氣尙酣嬉。閒中調詔談
天口。老去雄心弔古詩。畱客且爲無事飲。對花還
作有情痴。羲之樂死從今定。濕哭乾啼總不知。
踏遍岐途識淨因。塵勞總誤百年身。無官豈必皆
高士。有福何須作貴人。莊叟老爲齊物論。堯夫生
是太平民。瓦盆小酌茅簷曝。領略羲皇一片淳。
昇平郊藪鳳麟游。無限英才要出頭。詞賦爭誇今
李杜。山林并少假巢由。衰殘敢自居耆宿。宏獎翻
愁誤後流。聊與擴開新眼界。梯枕更上一層樓。
瀛海升華若木枝。

天家內禪創鴻儀。龍辰上日

親傳統

鳳紀初元普錫禧朝右表箋稱

二聖人間耕鑿享重熙千秋難遇今親見始覺吾生幸獨

私

少年意氣慕千秋擬作人間第一流豈意壯懷三
不朽終成老物四宜休隙駒虛擲分陰過皮豹徒
憑一卷畱若果輪迴有來世誓從髻髻便勤修

胡黃海遊揚州以京師諸公贈行詩裝成長卷作
圖于卷端題曰驢詩圖來索題戲賦一絕

作客邢溝已半年腰纏十萬贈行箋世間有此揚州鶴
只肯詩篇不肯錢

題女史駱佩香聽秋軒詩集

冰雪新詩絕點塵女中有此謫仙人故應數遍樵陽籍

只替常儀作後身

集中女遊仙詩第一首云不是姮娥甘獨處何人領袖廣寒笑謔以自況也

倘着冠巾試萬言也應第一領詞垣如何不學黃崇嘏
去作人間女狀元

禮佛香清手自拈禪心已證首楞嚴教人癡煞貽紋背
不敢思他鳥爪尖

此豈宜居弟子行詩翁漫詔在門牆上元燈下千詞客

方待昭容玉尺量

簡齋夢樓言
誇爲女弟子

再題佩香秋燈課女圖

東坡要兒愚且魯生女何必求聰明一分才折一分福

不櫛進士徒虛名豈知深閨讀書種也要傳心度針孔
佩香女史絕世才忍使清芬無接踵手撫么絃傷寡鵠
巾箱況少遺孤續一个嬌娃解語花綺牕親課秋宵讀
梧月蕉風夕館涼一燈如豆光微綠風詩誦到栢舟篇
女未知悲娘暗哭篝火書聲夜漏遲依稀柳母舊家規
可憐一樣尤熊苦他課男兒此女兒

慈孝松歌

宋末欽人鮑宗嚴遇賊龍山被縛於松樹將殺
之其子壽孫乞代父死宗嚴願身死存兒以奉
先祀賊兩釋之事見宋史其地有兩松一虬枝
若被縛狀一低亞若乞哀者後人呼爲慈孝松

今裔孫肯園訪其處築草堂以祀繪圖來索題因
爲作歌

石痕血漬忠臣影連理枝標苦節耿由來至性有不磨
木石無知亦悲哽龍山雙松古翠色鮑翁被賊縛松急
兒願代父作肉糜父乞存兒延血食當其父子爭死時
豈謂此情足感賊庸知屠伯亦苦心放下歐刀手無力
熱鐵橫空漏又歸老松也喜解腰圍一株如束一株拜
肖出臨危論瘦肥路旁過者競指點此裔此梓人間稀
嗚呼事往五百載松已難尋世屢改猶有初孫訪故基
堂構重新發光彩乃知慈孝植根深布葉條枝直到今
王槐郊桂科名樹看取千霄倍鬱森

計五官歌

紫稼歌殘薊苑霜

吳梅村集有王郎曲郎名紫稼

百年曲部黯無光天公怕

斷烟花種又出人間計五郎計五生來好姿首家近虞

山黃子久竟體香分景滌蘭纖腰軟入靈和柳天風吹

落到揚州一日聲名不脛走冠蓋西園夜賞花笙歌北

里朝酣酒偶然斜睇眼波橫勾盡蒲堂覓不守座中者

宿也發狂簾內嬋娟自嫌醜無人不愛鄭櫻桃只是有

心難出口揚州樂府聚風華陳寶

樊

秦坑

都龍著

人共誇

絕調能翻金縷曲丰容雅稱玉鈎斜小垂手博纏頭錦

初上頭添繫臂紗計郎一出爭相憐歛避都甘作房

尹那豈但怕相逢元白已皆慚壓倒若非占得十分妍

妬口如何亦稱好乃知一樣睂目清天獨爲他陶鑄巧
我來作客十餘年看盡梨園舞袖翩太息選仙空彩格
老來方遇鄂君船髻絲禪榻茶烟幽腸斷春風擁櫂憐
高旻寺鑑公房夜看牡丹戲書
一枝濃艷倚禪房銀燭高燒照蒲廊我欲嚇他禪定破
老僧深夜對紅粧

揚州買芍藥攜歸而齋前寶珠山茶已開過矣一
已向山塘買牡丹又攜紅藥到雕欄惹他千辨山茶妬
家有名花不愛看

題楊隨安明經漁樵問對圖

圖取邵子漁樵
講辨易理之意

去古日已遠易學漸失亡文人逞詞藻祝史炫機祥真

傳有弗絕或轉在倉荒牛溪負笻子蜀肆籬桶郎先天
秘獨得遠接羲農黃所以皇極書理托漁樵彰隨安夙
善易河洛括一囊觀象契輔嗣玩占追京房義補九師
缺論折五鹿狂三十六宮春妙悟無盡藏爰取康節意
作繪粉墨香一我化兩人相對春山蒼倚檐憩射的垂
竿釣滄浪披圖如聞聲元言入微茫我老昧根窟名理
多未詳混沌未闢始太極寄何方天象取風雷何遺日
月光五行有金木不列六子行坎冰兌爲澤一物又作
雙叶更證左氏傳同卦乃異章獲狐秦師勝從馬畢萬
昌其詞似彖辭何以殊文王斯皆疑所蓄誰爲析毫芒
漁樵兩仙真與旨窮陰陽試以此相質乞爲剗闕揚樵

則棘斯斧漁則網挈網指我採薪路引我罾魚航幸勿
肩道簪斬此緒論長徒使柯欲爛漫謂筌可忘

湖南逆苗湖北邪教先後滋事官兵攻勦尙未殄
滅江村聞信詩以遣憂

一百餘年息戰爭此生久擬老昇平誰知栗里人扶杖
忽聽潢池盜弄兵莽莽樊城原燎火滔滔潯水血流聲
執戈敢忘前驅志衰病徒悲髀肉生

題吳雙湖郡侯畱琴放鶴圖

琴鶴吾家清獻物雙清佳話至今述使君勵節乃過之
去鶴畱琴二而一或疑此舉殊萎萎鶴料無多費幾錢
庸知愛物施于政要使飛翔適其性警露聲常徹九臯

凌霄姿豈棲三徑
氈氈強使舞筵前
人自嬉娛鶴則病
呼童開放恣高飛
正是揮絃目送時
非爲銜珠期雀報
恰如解網縱禽歸
由來康濟持心厚
物尙蒙恩况老幼
鶴去猶餘玉軫彈
朱椒早叶和平奏
佇看比戶頌醇愉
放鶴金籠爲公壽

邵松阿落一齒已而落處更生所謂兒齒也走筆奉賀

憶昔從君少年日
利齒剛牙快飽歃
歡舞陽盾畔一羶肩
不怕生吞口帶血
忽忽四十年我老作牛龍
曾官打牙
狔狔鄉兒儕鑿齒
唯哇列軟飽惟資張蒼乳
柔存幸剩
商容舌空齟枉想過屠門
以咀代嚼味不出羹君願齟

尙無恙編貝堅完不兀艱偶焉弱一个畧似童牙訛非
遭鄰女梭豈被邏卒擊尙堪石之激何妨屐之折胡爲
落處又萌生宿草去根起新蘖琴軫方愁雁柱腐墮泥
已塞狗竇缺古稱兒齒信有之新發于硤倍剛烈有如
老將力將竭添以生軍再盪決童子行先尊勝隊孩兒
兵壓候飛傑問君安得此寧馨英銳獨擅昆刀切定可
陷堅爛似泥寧徒吐慧艷於雪斯乃壽耆相專爲老人
健飯設東魯既並黃髮頌北齊况傳智牙說知君尙有
萬年米食盡天遣雍齒封侯助饕餮臘堪稱程駁金
沃濡應賽來嚼鐵笑我空將饒口張方倚杖鳩祝哽噎
蔚亭方伯過虎邱得詩八章大指謂繁華勝地多

耗物力而可以養貧民此意向來遊者所未道
足見公遊賞中尙不忘民依也酬以長歌

四座且勿喧聽我歌虎邱虎邱舊是埋香處至今風月
專千秋七里塘移市傾利千人石寫山之呆花柳營邱
圖畫景亭臺蓬瀛青紅樓僧寮淨開琉璃界妓館艷拂
珊瑚鈎更有竹董擅絕技妙奪天巧窮雕搜綵花欲招
飛蛺蝶棘刺能刻生獼猴搏土爲人偃師舞孌箋畫鬼
期思愁鳩筇賦滑郢斤斲螺鈿璀璨囊樣揉地大物甬
景奇麗遂使過者眩兩眸香車寶馬闌如織兼有桂楫
沙棠丹金盤玉盞闌珍錯舞衫歌扇招嬌羞豈惟豪客
恣揮斥老慳囊亦倒不畱我來頓發大感慨奢靡日甚

俗益媮銷金鍋成無底谷耗盡財力此冶遊得不禁之
返樸素遍驅熙攘歸鋤耒蔚亭先生乃大笑腐儒泥古
慮未周太平生齒日繁盛安得尙有閒田疇正藉後豪
崇愷輦漏卮餘瀝沾黔婁一毛未損巨牛背寸鱗已飢
餓鷹喉不然坐看萬游手教渠何處口實求將隨呼盧
袁彥道肯作賣藥韓伯休我聞遽擴粟眼知公默運
迴斡籌爲一家計要囊括爲天下計須泉流八詩足抵
食貨志區區陋我目曉謀惠政已傳碑在口清詞兼令
石點頭偶然游賞亦康濟足覘後樂皆先憂

蔣春農同年挽詞

秘省抽毫麗綺霞遂初中歲別東華江湖盟長諸名士

碑版文推一作家嘆惜壯懷燈下酒惜騰老眼霧中花
白頭同譜今餘幾腸斷當年共草麻

竹初用導引之術而有少容蓋已學道有得矣戲

贈

英雄歲晚例修真一寸丹田守谷神古有長生今亦鬼
天如可上地無人煉形未必逃蟬蛻導氣聊堪作鳥伸
君是錢鏐老孫子故應多閱幾紅塵

近日常詩集者又十數家翻閱之餘戲題一律

只爲名心鉢肺肝紛紛梨棗競雕刊豈知同在恒沙數
誰獨能迴大海瀾後代時逾前代久今人傳比古人難
如何三寸雞毛筆便作擎天柱地看

題徐惕庵阮杭遊草

讀書從宦兩相礙風騷不在簿書內誰能作吏兼作詩
判牘操觚並稱寢惕菴年少一博徒兄事爰絲弟灌夫
喑鳴叱咤萬人廢意氣上薄秋雲孤百賦千詩特餘事
不矜束卷牛腰粗一磨出守劍出匣強項不爲權勢壓
曾翻冤獄惱上官眼中之釘爭欲拔封章劾奏下圜扉
磨又以須臾齊歆熱鐵在頸杻在肘只待報聞便行法
理直終蒙

主賜環幾同生入玉門關一重公案平反後士女歡迎
買父還從此聲名徹雲路首郡移旌教條布三年秩滿
竹遷官忽厭黃堂思粉署遂換頭銜畫省郎暫歸奉母

閒居賦如此奔馳學久荒也應才盡老江郎那知未禿
生花筆來主齊盟又擅場半年吟成二百首西遊晚上
東餘杭健筆還堪闢霹靂清音更叶鳴琳瑯始知賢者
不可測吏事詩情兩不妨獨惜君饒濟時策萬里折衝
人辟易才氣無雙李隴西豈宜燈牕閒弄筆卽今荆襄
方轉戰正需公等好膽力我欲勸君去策勲上馬殺賊
下馬檄

傳文忠公以子嘉勇公勲封郡王追贈公如其爵
江鄉故吏秦閔郎抄 國恩私誼感涕交頤敬
成四律

濟美分茅土追崇溯構堂相門兼有將異姓特封王不

數韋平盛真看帶礪長褒忠

恩命極誰不涕沾裳

曠古真希見桐封累代榮世家蕭北府

遼史蕭氏世膺北府宰相之選

王爵

李西平懋賞頒金策崇勲勒鼎銘豈真因子貴公自有忠貞

廿載黃扉地從容退食遲當時初不覺今日有餘思長養人才出調和國脉滋昇平論相業主組本非私

遠附王門瑟殊慚越分叨六年東閣吏兩世北平交喜聽新龍誥重懷舊燕巢受恩貧賤目此意總難拋

題蔣心餘攜子遊廬山圖爲令嗣師退孝廉作

我昔遊廬山孤行少伴侶但鏗拄杖聲遙答塔鈴語今

朝讀君廬山詩乃知先我采其阻高才勝境兩相值磁
石吸針鐘應杵山靈不放君空回君亦不肯虛此來胸
中萬斛泉遂湧欲與石梁瀑布爭喧扈况復鶴鳴有子
和登高作賦非凡材或疑二兒昇陶令籃輿開赴近局
杯不然坡公石鐘洎與邁同步凌崔嵬快哉此遊足干
古海綿萬頃天爲開惜我曩時鞭獨控先後十年成各
夢若使同看九疊屏也應喚作三遊洞曾聞元白遇夷
陵文酒流連旬日共事往空思寫木蓮道人已騎白
鳳天爲徐凝藏惡詩不使與君相伯仲一幅生綃想故
人履綦陳跡淚沾巾慰君幸有斜川集能寫匡廬面目

真

題金玠堂客牕偶筆

稗乘紛紛各逞才
壞人心合付秦灰
多君巧用齊諧體
演出儒家語錄來

史才獨擅苦無施
聊據新聞小試爲
毛穎陶泓原有例
古文手筆作傳奇

不炫新奇不撮空
採來都在見聞中
笑他司馬相如賦
烏有先生無是公

老藉叢書引睡魔
此編猶未廣搜羅
鄙人賈菜還求益
要看容齋五筆多

讀辛輔編年錄

五雲多處是三台
千古安危繫一枚
何偃阮韜皆有貌

江充李訓豈無才承平易說功調變多難須看策挽回
青史一編論相業和羹累代重鹽梅

偶書

牛馬力最苦供人耕與騎是宜享甘旨稍酬筋骨疲而
乃參芻草并不獲鹽齏斯人何功德同此生氣滋安坐
役牛馬甚或割肉皮此理太不公畧無小等差靈蠢縱
有異厚薄何至斯乃知大化運亦難盡得宜人生念到
此得不存幾希

蘇州元妙觀登三層樓

傑構雄都會重簷碧落邊地離天不遠道與釋爭傳紫
極宮垣峻青冥殿榜懸侈功窮土木壯觀奠山川臆俯

千尋樹香連萬井烟獅林人僅寸虎阜塔齊巔玉座三
清像瑤臺八洞仙圭裳班肅穆旌旆勢飛鸞岳瀆羣神
列風雷一氣旋猶龍宗派遠鳴鶴咒符先科律黃冠習
威儀繡被翻八琅天樂曲七宿斗壇筵丹篆雲霞古金
莖沆瀣鮮降魔椎作杵送鬼紙爲船別有披簑客相傳
脫屣年

宋何立齋
身尙存

東牕看鼎鑊下界棄蹄筌地以仙靈著

人彌信嚮堅神都增盼蠻佛刹遜喧闐

萬乘巡曾駐三元會其虔周廊千步地列肆百區歷祝
卜筵篇集遊觀履舄駢種桃詞客句賣藥道人錢我躡
丹梯級來繙綠字箋市聲囂不到天籟咳相連眼廓三
千界胸羅廿八躔置身霄漢上已覺斷塵緣

偕澈堃齋生宿高旻寺次日鑑公同遊金焦遇趙
偉堂縣博及巨超諸僧作詩會又同往甘露寺
出游無勝地不如閉門坐勝地無良朋不如掉頭過今
日何日樂事并高僧名士同江行金焦相距不五里烟
雨空濛一帆駛正逢詩社建鼓旗同叩禪關脫巾履人
皆林下閒神仙地是江南好山水快哉人地兩清絕意
本不圖緣偶結明朝竹林招隱寺乘興更擬尋曲折人
生得意勿太貪且畱不盡待再探

秦良玉錦袍歌

卸了香襦縛袴褶女將軍赴疆場急戰袍裂盡錦袍存
猶帶當年淚痕濕召對平臺拜賜時爲旌健婦勝鬚眉

五色繡成宮女線九張機織尙方絲可憐此賜非輕得
歷歷忠勲九重識奢安軍變定川南遵永城亡趨直北
世間有此虎胭脂女授男官總兵職俄驚烽火滿夔巫
橫梁專鑿蜀中賊撲面塵沙當粉塗蒲頭蓬葆臨風櫛
縱有羅紉豈暇披甲裳血汚淋漓赤扼險終傷計不成
行臺文士不知兵嚴關徒把羸師守一敗諸營盡土崩
事去徒悲謀不用三巴同入滄桑痛一丸泥遂閉函關
千樹桃仍罨秦洞娘子軍雖敗陣歸夫人城少降箋送
此袍猶是舊君恩盥手開奩時一慟什襲收藏付後人
扶南犀杖泣亡陳敢論衲服黃金甲聊返初衣白氎巾
遺笏魏家先世澤傳衣曹洞昔時珍陋他誰國高涼洗

錦繖重誇嶺外巡

石刻諸葛忠武侯像歌

像爲闔立本畫後有王齊賢摹本張南軒贊朱
考亭書印君鴻緯於膠城俞氏見之借摹上石
以廣其傳爰爲作歌

諸葛大名垂宇宙豈須絲把平原繡誰摹遺像入貞珉
墨本新翻唐畫舊臥龍當日出山遲三顧情深始展奇
倉猝扶危敗軍際畢生盡瘁受遺時天心已定三分局
臣力猶勤六出師巾幗姦雄甘不戰髡鉗僚吏泣無私
八百株桑傳素節二千尺柏颯英姿圖形未續雲臺位
墮淚還先覘首碑右相丹青追髣髴妙手重撫稿頻易

南軒作贊考亭書愛其人者寶其蹟清高既肅宗臣容
題拂兼增大儒筆印君遇之倍珍惜更做殘縑壽諸石
遂使綸巾羽扇人一身化作千百億我昔南遊細節麾
七星關上拜公祠在貴州畢節縣宰相威儀儒者氣至今迴憶儼
鬚眉老來訪古倦行脚得此莊嚴供去聲齋閣風貌寧煩
粉本臨典型幸獲瓣香托愧無長策效馳驅惟有清襟
師澹泊

綿州刺史劉蔭萱駐藏回蜀遠寄藏佛一尊賦謝
我聞佛有千百億化身本寓言耳乃竟真自從霍去病
收獲休屠神後來明帝夢金人遣使求得四十二章經
釋迦之象偕來賓其始但圖畫竿融特剏裝璜新爾後

遞仿製葫蘆依樣遍八垠琢文石鐫貞珉雕檀羅範金
銀最賤用土木尤易紛傳薪三家之村一閭市皆有過
去未來現在三世尊其多豈特八萬四千阿育塔並與
恒河同數微沙塵然皆震旦造非從身毒到漆器終推
裹樣髹錦紋須出蜀江漂旄牛微外烏斯藏傳是耆闍
古靈隲曾出帝師八巴思大寶法王賜嘉號至今已閱
幾輪迴換身猶帶前生竅其俗家家修淨業大乘黃教
小紅教良工善鑄如來容真本臨摹狀維肖不比貫休
畫應真僅向夢中見風貌綿州刺史劉孝威從軍絕域
窮奔馳腦日逐髓月氏梯危輶險二萬里歸途又餉駐
藏師

君從征廓爾喀歸途留藏
辦糧三年期滿始回蜀

購得一尊遠寄我名以長壽代祝

詞我不知是彌勒是牟尼抑或阿難迦葉及辟支怡比
中土黃金而豐上銳下差毫釐惜哉丈六身縮作三寸
小難具三十二相八十一種好棘端刻猴地幾多七滿
八平何處可施巧珠火眉微分青螺髻空繚安得金粟
影接寥天長玉毫光其素月皎要是彼中五嶽真形圖
不用減鼻閥唇屢易稿譬如唐家方鎮雖各有旌節終
輸本色來自長安道繫余衰朽枯木禪得此瞻禮良有
緣愧無七寶莊嚴般若坐亦少百花供養伊蒲筵腰不
能爲膜拜折詩豈足當梵唄宣燈傳難助長明火筏渡
尙虛大願船惟有此心清淨退周妻何肉早悉蠲已作
在家出家一老衲蕭齋正可同龕眠

讀香山詩

我讀香山詩曠懷真灑落顧皆預防死所以早尋樂是其方樂時中懷已作惡何如無成心悲喜隨所托悲則有呻吟喜則有歌嘏

讀方干詩

我讀方干詩求進一何躁處處乞薦章誓以殺身報豈知要路人高居但暗笑曾無一文持徒有百篇噪區區螻蟻命願殺亦誰要

讀東坡詩

我讀東坡詩十首九懷歸至竟八州督因循未拂衣晚遭滄海行徒飽毒手威若早奉身去或免誼禍機伯知

身退難達人貴知幾

聞湖南苗首就誅軍事告藏詩以誌喜

露布遙傳定百蠻五溪烽火報平安生來盤瓠原殊族
初起車巴尙畏官持重徒勞穿土室成功終藉戰臯蘭
始知用武承平世儒將非難健將難

千里荆襄尙盜區

湖正隆

繡衣持斧米全誅好移虎帳平蠻

卒來掃出沙伏莽徒鬼道不靈殲米賊兒啼可怖避麻
胡待看蕩洗兵氛淨依舊耕桑遍兩湖

人參詩

偉兒久病需用參荆市價甚貴白金三百兩易
一兩尙不得佳者爨閭國史我朝初以參

買高麗定價十兩一斤麗人詭稱明朝不售以
九折給價而我朝捕獲偷掘參者皆明人以
是知麗人之詐起兵征服之迨定鼎中原售者
多其價稍貴然考查悔餘壬辰甲午兩歲俱有
謝揆愷功惠參詩一云一兩黃參直五千一云
十金易一兩皆康熙五十年後事也其時參價
不過如此乾隆十五年余以五經應京兆試恐
精力不支以白金一兩六錢易參一錢二十八
年余病服參高者三十二換次亦僅二十五換
時已苦其難買以今較之更增十餘倍矣市值
愈貴購之益艱詩以誌慨

貧家患富病用藥需侵劑吾兒抱沉疴藉補丹田氣其
如價過昂刀圭購不易此物瑤光星散華凝入地三楹
五其葉獨與凡卉異結子蓮米紅分陰榎樹翠年深根
成形肢體或粗備土中兒啼聲往往驚夜睡其始出上
黨僅等苓朮類地運有轉移乃爲我朝瑞高高長白
山鬱蟠王氣萃靈苗苗其間孕結飽生意以之療羸疾
庸醫亦奏技幾同返魂香不數肉芝僭當年評直賤購
買不繁費十金易一斤鄰市舊有例十金易一兩詩家
亦有記迨我服食時猶只倍三四彈指三十年徵貴乃
無藝一兩三百金其品猶居次中人十家產不滿一杯
味珍過服玉方艱於鍊丹秘古稱萬金藥始信語非僞

嗟哉此神物天以救疵癘乃因價不訾翻若天勢利但
許活富人貧者莫可冀此事閱隱憂蒼生命所繫吾兒
病已深非此不得濟燃眉倘可救剝肉遑敢計搜括罄
貲儲典賣到衣被所愁力將竭兒病痊尚未中宵撫空
囊徬徨不能寐

題陳東浦藩伯敦拙堂詩集

學詩必學杜萬口同一噪連城有真璧未可砥硃眉鳴
呼浣花翁在唐本別調時當六朝後舉世炫麗藻青蓮
雖不羣餘習猶或蹈惟公起掃除天門一龍跳骨力森
開張神勇鬱雄鶩陽烏掩燭火轟雷塞蚓竅天壤此一
途疏鑿曾未到一開五丁峽遂坦九軌道坐令窮墨場

莫不奉旌纛微之彷彿切退之師排冢義出鍊格適涪
翁取徑峭豪宕放翁吟悲壯遺山弔斯皆分杜派各具
一體妙迨明李何輩但摹面目肖彭亨鼓蛙怒咆勃奮
虎嘯徒滋虛氣張終覺輕心掉曠代有東浦孤詣戛獨
造淵源沂雅騷根柢本忠孝讀書必破卷陋彼管窺豹
出語必驚人鵲若鵠脫鵠力厚巨鼎扛思沉重淵釣每
於樸樸處雋味出操拗以追少陵作磁鐵兩孚召得皮
兼得骨在神不在貌緬昔老拾遺入蜀詩益爆長揖嚴
尹幕高歌葛相廟至今舊草堂萬丈光尙耀先生甫筮
仕卽泛錦江權固知關宿緣豈特發遐眺新詩十二卷
精心鏘堂與子美有替人當亦意不料萬齋得披誦狂

喜成絕叫惟應辦香燃敢肆飯顆誚傳語學杜人津梁
此先導

金二雅繪秧游圖集蘭亭字爲序長卷索題戲書
其後

天邊鴻鵠隨家鷄集句已被東坡嗤况復割裂巧集字
大方之家應不爲豈知此法昉梁代千文韻語今猶垂
李唐奉佛聖教序亦撥墨寶刊穹碑遂令右軍好手迹
幾遭寸磔無完肌蘭亭真本尤絕筆幸未碎剪翻錦機
金君被飲忽遐想湯燖暫借充饋遺不取其文取其字
一篇別構春游詞破之片片墮地僣貫之縷縷入扣絲
百寶修成滿輪月衆腋聚作無縫衣咄哉文心太狡獪

繭紙幻此一段奇稷游圖邊稷游敘句新字舊觀者疑
何須肱篋缸面酒已似染毫洗墨池地非會稽世非晉
驀然突出王羲之重三從此增故事不數典午永和時

題黃陶庵手書詩冊

五言律十三首乃崇禎丙子赴試金陵途次之作書於是年九月十六日蓋在報罷後公

至壬午始舉於鄉奏承成進士勅節於乙酉距作詩時僅十年耳齊生邵博購得此冊敬題其後

作詩赴舉時寫詩落解後詩不必坡谷字不必顏柳遺
蹟乃獨珍光壓瓊瑤玖是時明社將爲墟方赴鹿鳴鄉
射耦迨公通籍已板蕩需次里居歲乙酉天兵南下金
陵降風掃百城快於帚馬前叩頭草間活國破君亡誰
拒守公也林下一書生衣不掩脰袖露肘回天挽日何
等事豈出區區措大手揭竿市兒無戈矛釋褐鄉官未

印綬無端糾集一旅師欲飽百萬磨牙口山河改局輦
折柱天地爲籠魚在笱正惟成敗百不計足知志定甘
投首嗚呼公已騎箕去故紙殘零亦何有一鱗片甲乃
幸存其字其詩遂不朽摩挲忍污寒具油激賞欲浮大
白酒君不見同時衆名流聲望出公右書推王孟津詩
擅錢蒙叟至今令人笑齒冷斷楮零縑付醬澆